



Inatsisartunut ilaasortaq Jess Svane, Siumut
Maani

Qeqertarsuarmi umiarsuup sinersortatip angalanera pillugu § 37 naapertorlugu apeqquteqaammut 2021-137-mut akissut

21-10-2021
Suliap nr.: 2021 - 18086
ID. nr. 69233232

Asasara Jess Svane

Inatsisartut suleriaasianni § 37 naapertorlugu Arctic Umiq Linep umiarsuaa sinersortat pillugu Naalakkersuisunut apeqquteqaateqarputit. Apeqqutitit uannit akineqartussat innersuunneqarpt. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Qeqertarsuaq angallavik ilaasoqarluartartoq inoqarfimmullu iluaqutaasoq qularnanngitsumillu aningaasarsiornikkut imminut akilersinnaasoq unitsinneqarmat Naalakkersuisut qanoq nalilerpaat?

Akissut: Naalakkersuisut suliassaqarfimmi kiffartuunneqarnissamut isumaqatigiissutit atuuttut isiginiarpaat. Arctic Umiq Line-mut (AUL) isumaqatigiisummi ulloq 16. november 2020-meersumi allassimavoq, Qeqertarsuup ukioq tamaat angallavigneqarnera umiarsuup piareersarneqarneranut allatigullu ingerlasussanik piareersaanermut piffissaqannginneq pissutigalugu kinguaattoornermik malitseqartoq ingerlatseqatigiiffiup paasissagaluarpagu, AUL Namminersorlutik Oqartussat sioqqutsisumik akuersissuteqartinnagit, qaammatisiutit malillugit ukiup naanisaa minnerpaamik qaammatinik pingasunik sioqqullugu ilimasaaruteqarluni, ukiuunerani ukiup affaani angallaviit annikillissinnaagai.

Taamaalilluni AUL-ip kiffartuunneqarnissamut isumaqatigiisummi ukiuunerani ukiup affaani angallaviit annikillissinneqarnissaat pillugu aalajangersakkat atulersimagai, tassani pineqarpoq.

Apeqqut 2: Ukiakkut pisortat tapigaannik angallavik ingerlaannartussaavoq Politikkikkut aalajangerneqarnikummat. Apeqqummut 1-mut atatillugu Naalakkersuisut nalilersuinissamut pissutissaqalersinneqarnerlutik?

Akissut: Angallavigneqarnissamik kissaateqarnerup AUL-mi pisinnaasat killeqarnerannik unammilligassaqaarneq allanngortinngilaa. Taamaattumik allatut kiffartuunneqarnissamut isumaqatigiisummi killissaliussat avataaniittunik aaqqiissuteqarnissaq pisariaqartinneqarpoq. Naalakkersuisut suli siunissami aaqqiissutissamik inerniliinermik naammasseriigaqanngillat, kisianni naammaginninnginneq kiffartuunneqarnissamut isumaqatigiissutip malitsigisimasaa ilisimaaralugu aammalu tamanna siunissami aaqqiissutissami ilanngutissallugu.

Neriuppunga qulaani allaqqasuni apequteqaatitit akineqartut.

Inussiarnersumik inuulluaqqusillunga



Naaja H. Nathanielsen